

陰持入經卷上

無十

後漢安息國三藏安世高譯

佛經所行示教誠皆在三部為合行何等為三一為五陰二為六本三為所入五陰為何等一為色二為痛三為想四為行五為識是為五陰名為十現色入十現色入為何等一

一 夫益

眼二色三耳四聲五鼻六香七舌八味九身十樂是為十色入是名為色種痛種為何等痛種為身六痛一眼知痛二耳知痛三鼻知痛四舌知痛五身知痛六心知痛是為身六痛名為痛種思想種為何等思想種名為身六思想一色想二聲想三香想四味想五更

想六法想是為身六思想名為思想種為何等行種名為身六更一色所更二聲所更三香所更四味所更五通所更六法所更是為身六更是名為行種識種為何等識種名為身六識眼識耳識鼻識舌識身識心識是為身六識是為識種名為五陰種當知是是從

何知為非常苦空非身從是知亦有二知一為慧知二為斷知從慧知為何等為非常苦空非身是為從慧知從斷知為何等愛欲已斷是為斷知陰根為何等積為陰根足為陰根譬如物種名為物種木種名為木種火種名為火種水種名為水種一切五陰亦如是

有十八本持十八本持為何等一眼二色三識四耳五聲六識七鼻八香九識十舌十一味十二識十三身十四更十五識十六心十七法十八識是名為十八本持已知是從何知為非常苦空非身是為知從是知亦有二知一為從慧知二為從已斷知從慧知為何

等非常苦空非身是為從慧知從斷知為何等愛欲已斷是名為從斷知彼為具足具足為何等或言無有餘具足已無有餘令眼明見明一行者說是已為斷眼本耳本遍說如是卒名為本持譬是人為多熱如是各遍譬喻是為具足亦有十二入何等為十二自身六

外有六自身六為何等一為眼耳鼻舌身心是為自身六入外有六為何等色聲香味更法是為十二入一切從何知為非常苦空非身是從是知亦有二知一從慧知二從斷知從慧解知為何等為非常苦空非身是為從慧知從斷知為何等愛欲已斷是為從斷知

無

二

甚

何等為入解從是致名為入從入解譬從金入名為金地從銀入名為銀地如是各各應是譬喻所從所入是從是有如是從所意念有行罪苦法如是從所致是名為從是入亦有從是入譬如王有入所有是亦如是為有四諦苦習盡道苦名為要語身亦念習名為要

癡亦所間愛盡名為要慧亦解脫道名為要止亦觀亦有三十七品經法四意止四意斷四神足五根五力七覺意賢者八種道行是為三十七品經法過佛亦有是現在佛亦有是未來佛亦有是辟支佛亦從是得度世道佛弟子亦從是為度世無為道四意止為

何等或見比丘自身身身相觀行止外身身相觀行止內外身身相觀盡意念以却世間癡心不便自身痛痛相觀行止外痛痛相觀行止內外痛痛相觀行止盡意念以却世間癡心不便自意意相觀行止外意意相觀行止內外意意相觀行止盡意念以

却世間癡心不便自法法相觀行止

何等為從四意正斷或比丘有未生弊惡意法發方便令不生勸意不舍方便行精進攝制意舍散惡意是一斷意已生弊惡意發清淨法欲斷勸意求方便行精進攝制意舍散惡意是為二斷意未生清淨勸意發方便令

無

三

友

生行精進攝制意散惡意是為三斷意已生清淨法令止不忘令不減令行不翅令行足發方便行精進攝制意舍散惡意是為四意正斷

何等為四神足或有比丘為欲定斷生死隨行增神足惡生死猗却欲猗從不便意生遺

離去是為一神足精進定斷生死隨行增神足惡生死猗却欲猗盡猗從不便意生遺離去是為二神足意定斷生死隨行增神足惡生死猗却欲猗盡猗從不便意生遺離去是為三神足戒定斷生死隨行增神足惡生死猗却欲猗盡猗從不便意生遺離去是為四神足

四意止四意斷四神足為已說具

何等為五根信根精進根念根定根慧根是名為五根彼根應何義根為根義屬為根義

可喜為根義不為同事為根義是名為根義

何等為五力信力精進力念力施慧力是名為五力彼力應何義無有能得壞為力義有

所益為力義有瞻為力義能得依為力義是名為力義有七覺意

何等為七一念覺意二法分別觀意三精進覺意四愛可覺意五猗覺意六定覺意七護覺意是名為七覺意有得道者八種道行為何等一直見二直行三直語四直治

五直利六直方便七直意八直定是名為八道行八種道行為墮合三種一戒種二定種三慧種彼所直語直業直治是名為戒種彼所直方便直念直定是名為定種彼所直見直行是名為慧種皆從是教戒令不翅教戒令不翅教意令不翅慧教戒彼戒種比丘為

拔瞋恚亦惡本為散瞋恚結為合恚瘡為識苦痛為度欲界彼定種比丘為拔慳惡本為散欲結為合欲瘡為知樂痛為度色界彼慧種比丘為拔癡惡本為散癡結為合癡慢瘡為知不樂不苦痛為得度無有色界是為三種比丘止為拔三惡本散三惡使合四瘡知

無十

四

七

三痛度三界何等為十二種從求如來等生從癡因緣令有行從行有識從識令有名字從名字令有六入從六入令有致從致有痛痒從痛痒令有愛從愛令有受從受令後有從有令生從生令有老死憂悲苦不可心致心致惱如是具足苦種為致習癡已盡便行

盡已行盡便識盡已識盡便名字盡已名字  
 盡便六入盡已六入盡便致盡已致盡便痛  
 痒盡已痛痒盡便愛盡已愛盡便受盡已受  
 盡便有盡已有盡便生盡已生盡便老死盡  
 已老死盡憂悲苦不可盡惱便盡如是具足  
 苦種便得盡彼癡名為不知四諦如有不解  
 不見不相應不受不解不解很是名為癡彼  
 癡因緣行為何等為六望受何等為六色聲  
 香味身法是為身六望是名為行彼行因緣  
 識為六身識眼耳鼻舌身心是名為六身識  
 彼識因緣名字字為色名為四不色陰痛想  
 行識是為名色為四大本謂地水火風是上  
 為名是四為色是二相連共為名字彼名字  
 因緣身六入受眼耳鼻舌身心是名身六入  
 受彼六入因緣身六思望眼耳鼻舌身心是  
 名為身六思望彼思望因緣身六痛眼耳鼻  
 舌身心是名為六身痛彼痛因緣六入身愛  
 色愛聲愛香愛味愛身愛法愛是名為六身

無十

五

七

愛彼愛因緣受為四受一欲受二見結受三  
 戒願受四身結行受是名為四受彼受因緣  
 有為三有一欲界二色界三無色界是名為  
 三有彼有因緣生為上五陰六持六入已有  
 如有生聚已往墮致分別根已入得有是名  
 為生死為何等名為人人所在在所往已往  
 壞已過死是時命亦根已閉塞是為死上本  
 為老後要為死是故名為老死癡相為何等  
 為冥中見冥如有不解令從是致墮行處行  
 相為何等為令後復有是為行相上從是發  
 起令從是致墮識處識相為何等為識物識  
 事是為識相令從是致墮名字處名字相為  
 何等為俱猗是名為字相令從是墮六入處  
 六入相為何等為分別根是為六入處令從  
 是致墮思望處思望相為何等為相會更生  
 是為思望相令從是致墮痛處痛相為何等  
 為更覺是為痛相令從是致墮愛處愛相為  
 何等為發往是為愛相令從是致墮受處受

相為何等為受持是為相令從是致墮有處  
有相為何等令墮若干處是為有相令從是  
致墮生處生相為何等為已有五陰是為生  
相令從是致墮老處老相為何等為轉熟是  
為老相令從是致墮死處死相為何等為命  
根盡是為死相令從是致墮苦處苦相為何  
等為身急是為苦相令從是致墮不可處不  
可相為何等為心意急是為不可相令幹從  
是致墮邑邑憂色色相為何等為憂五陰令  
從是致墮愁惱處悲愁相為何等口出聲言  
令致悲惱慙慙為惱惱亦為慙九絕處為一  
切惡行合部伴從流行為有二本從有結罪  
為三惡本亦有四倒彼二本罪惱為何等一  
為癡二為墮有愛名為二本三惡本為何等  
一為貪欲二為瞋恚三為癡惑是名為三惡  
本有四倒四倒為何等非常念常是為思想  
倒為意倒為見倒是為一倒計苦為樂非身  
為身不淨為淨思想意見倒如上說是名為

無

六

十

四倒彼癡名為不解四諦不慧不見不相應  
不解受為惡是為癡彼有愛為何等為所世  
間欲發往不捨是為愛是名為二本彼欲貪  
本為何等為在所所種貪為奇珍寶奇財產  
奇嚴事為有嫉在奇貪可貪欲可往愛相愛  
哀相往不舍是為貪惡本是本為誰為所有  
貪為身非法行口非法行亦餘俱相連惡種  
所作意念是法本是故名為貪惡本彼瞋恚  
非法本為何等為在人為在行恚相恚不忍  
不識因緣瞋瞋恚發評諍念不可說不可所  
念念不好令意却是為恚非法本是本為誰  
為非法本所身罪所言罪所心罪亦餘所相  
連意念為是法本是故為瞋為名非法本彼  
癡惑非法本為何等不知四賢者諦如有不  
解不見不相應不解受非法或隨或受或在  
或不識或癡真在真蔽覆令真令無眼令恚  
壞盡不能致無為度世是癡惑非法行本是  
本為誰為惑非法身行作口行作心行作亦

所共相助非法意所念非法本是名為惑非法本彼當知倒亦當知所倒當知從所倒當知是彼有一倒從一為四倒從所有為三倒何等為一倒為對或受非當為常為苦為樂非身為身不淨為淨是為一倒何等為四倒所有身痛意法是為四倒何等為三倒一為

無十

七

十

想二意三見是為三倒使彼所可意根相連著若色若像為受想是為欲想以為有欲想相隨久不斷在意念是為欲念種若彼所想分別受是名為想倒彼惑意不如有受所從不應受解是名為意倒所以受不舍在意念在色不淨意計淨聽可意念已快所見受往

是名為見倒彼所見已為相分別應當為十一倒何等為十二在身有三在痛有三在意有三在法有三有四想倒意倒亦有四見倒亦有四亦為在入因緣相會色令為十二倒身三痛三意三法三為合十二倒如為是六為七十二倒從本得因緣起墮因緣多少無

有量不可數在人無無有有數倒彼五陰為四身有從所有色陰是屬身從有痛陰是屬痛身從有識陰是屬意身從有想陰亦行陰是屬法身從有是五陰令受四身因緣有彼身不淨計淨是為身倒彼痛苦計為樂是為痛倒彼意非常計為常是為意倒彼法不為

身計為身是為法倒為欲政四倒故佛為現四意止為說分別彼為身身相觀行止為不淨意念淨倒得解彼為痛痛相觀為若計樂倒得解彼為意意相觀非常計為常倒得解彼為法法相觀非身計為身倒得解彼冥中冥如有不解是為癡相令墮所倒處彼得往

是為愛相令從是受色為身故令欺奇是為貪相令墮不與取所不如意是為恚相令墮殺處為不解事癡惑相令受邪墮邪處受作彼所行法不却受相是為令墮有常想不知身體物為更相會相令計樂想為墮身處為不解所法相為有身想令墮是為是我所

處為墮受色像相令計是為淨想令從是墮  
不攝守根處是為九品為已分別為一切不  
可行非法伴已說竟是多聞者能解不多聞  
者卒不解是為慧人能解不慧卒不解是行  
者能解不墮行不解有九絕處令一切淨法  
部墮聚合何等為九一止二觀三不貪四不

無一

八

友

恚五不癡六非常七為苦八非身九不淨是  
為九彼止名為意止在處能止止攝止不  
失止不志心寂然一一向念是名為止何等  
為觀觀名為了陰為了持為了入了名字了  
從本生了從本法已生了苦了習了盡了道  
行了從善惡從是法生了了增優增了白黑

了是可隨不可隨如有分別為拖不拖為下  
復下為念復念為思觀為志為慧為眼為謀  
為滿為解為慧為明為明為欲為光為敢不  
離為觀法為覺意為直見為道種是名為觀  
亦有若干二輩觀一為淨觀二為不淨觀三  
為清淨觀四為不清淨觀五為黑觀六為白

觀七為可行觀八為不可行觀九為罪行觀  
十為殃福觀十一為縛觀十二為解脫觀十  
三為有益觀十四為失無所益觀十五為往  
觀十六為還觀十七為受罪觀十八為除罪  
觀是故名為觀亦為二因緣令有是說止為  
一切天下人有二病何等為二一為癡二為

愛是二病故佛現二藥何等為二一為止二  
為觀若用二藥為愈二病令自證貪愛欲不  
復貪念意得解脫癡已解令從慧得解脫

陰持入經卷上

九末

無十

父

陰持入經卷下

無十一

後漢安息國三藏安世高譯

彼愛欲藥為何等為止愛已解意亦解意已  
解病便愈彼癡藥為何等為觀癡已却解從  
慧解脫為病愈如是佛說如是二法當知一  
為字二為色二法當舍一為癡二為愛

乙

有釋